



UNIVERSITÄTS-
BIBLIOTHEK
PADERBORN

Universitätsbibliothek Paderborn

Svmma Diana

Diana, Antonino

Coloniae Agrippinae, 1656

Agnus Dei

urn:nbn:de:hbz:466:1-40647

q. 1. art. 1. q. 4. ad 2. & Diu. Bonaventura, in 4. dist. 41. q. 1. Nam probabilis etiam est sententia medicorum duce Hippocrate *l. de genitura. & Galeno lib. 6. de locis affectis, c. 5.* quod semen muliebre sit necessarium ad generationem. Igitur in hac sententia, qui habuit copulam cum sorore uxoris, si illa non feminavit, potest nihilominus petere debitum. Item si hoc modo quis cognovit uxorem, & eaque mortuam, aliam duxit, & cum ea matrimonium consummavit, non contrahit irregularitatem bigamiae. Item matrimonium hoc pacto consummatum dissolvitur per professionem religiosam, & altero conjugate manente in saeculo, alter Religionem ingredi potest. Et haec omnia dicta sunt in hac sententia probabilis; quae rursus confirmatur; quia Benedictus Pontifex *can. lex divina constitutionis* dicit, idem osculum non parere affinitatem, quia nullam facit sanguinis commixtionem, ergo ad affinitatem requiritur sanguinum commixtio, *par. 3. tract. 5. resol. 16. §. difficultas, & in Add. secund. resol. 21. nec non par. 4. tract. 2. ref. 43. & p. 11. tra. 5. misc. ref. 16.*

Non contrahitur affinitas, si vir foras semen emittat. Vel si ope demoni semen virile in uterum foemineum deferatur.

An verò contrahatur ex copula fornicaria iure naturalis?

Contraria sententia.

Si vir in sine copula extrahat membrum, & foras semen emittat, quamvis postea illud casu in yas naturale incidat non contrahit affinitatem. Item, si semen virile ope demonis in uterum foemineum deferatur, non contrahitur affinitas; quia illi non sunt facti una caro. Ita Pontius *lib. 7. cap. 33. num. 6.* contra Sanchez *lib. 2. disp. 21. nu. 2. p. 3. tr. 5. ref. 17.*

4. Ex copula fornicaria, iure naturali, secundum Hurtadum *de matrim. disp. 20. diff. 2. num. 7.* contrahitur affinitas. Nam per illam vir, & foemina fiunt una caro dicente Apostolo *1. Cor. 6. Qui adheret meretrici, unum corpus efficitur, & erunt duo in carne una.* Unde in hac sententia infideles fornicantes inter se contrahunt affinitatem cum consanguineis utriusque. Sed contrariam sententiam tenet Sanchez *to. 2. disp. 65. num. 9.* quia nulla sunt nomina, quibus hujusmodi affines nominentur. Et praeterea in *l. non facile, §. affines, & §. sciendum est. ff. de grad. affin.* dicitur, neque cognationem, neque

affinitatem esse posse, ubi nuptiae non sint prohibita. Utraque sententia est probabilis. Et in hac secunda infidelis cognoscens mulierem, baptizatus deinde, potest ejus sororem in matrimonium ducere. Et fidelis cognoscens infidelem, possit ejus sororem fidelem sibi in matrimonium jungere. Ita Villalobus *tom. 1. tract. 14. disp. 17. par. 3. tract. 4. resol. 262. & Add. 2. ref. 21. §. & pro Coronide.*

Amba probabiles.

AGNUS DEI.

1. Extat Bulla Gregorii XIII. quae incipit. *Omni arte*, prohibens sub poena excommunicationis, ne circumli cerei benedicti, vulgò Agnus Dei, à quoquam pingantur, inficiantur, minio, vel auro notentur, aut venales proponantur. Circa quam.

Agnus Dei non possunt pingi, & vendi.

2. Adverte primò, quod secundum Sanchez *sum. tom. 1. lib. 2. cap. 43. num. 27.* contra Azorium *tom. 1. lib. 9. cap. 9. post quest. 5.* non prohibentur vendi Agnus Dei albi ratione materiae, laboris, impensarum in eis asportandis. Et sanè, qui illos pingendo, excommunicationem incurrit, non peccat postea retinendo domi non venales; quia non prohibetur. Ita idem Sanchez *part. 3. tract. 6. resol. 12.*

Sed an vendi possint albi, ratione laboris &c.

Et pici retineri?

3. Adverte secundo, docere Filliucium *tom. 1. tract. 14. cap. 6. num. 93.* hanc Bullam extra Urbem non esse usu receptam; quia Agnus depicti passim venduntur. At Fagundez *p. 1. lib. 1. cap. 4. nu. 25.* docet, esse in vigore. Certum est tamen, hanc excommunicationem nemini reservari. Ita Barbosa *de potest. Episc. p. 3. alleg. 50. n. 150. ibid. §. Et tandem.*

Praesertim extra Urbem?

4. Agnos Dei tangens, etiam laicus, seclusò contemptu, non peccat, quia justificatur ab usu. Ita Sanch. *ubi sup. ibid. §.* Nota etiam. An gestare Agnos benedictos in actu venero, vel illos amantia dare, sit sacrilegium, vide *V. Circumstantia num. 104.*

Agnus Dei tangi possunt à laico.

ALIE-